



**Uunga siunnersuut: Inissianik attartortitsisarneq pillugu Inatsisartut peqqussutaata allangortinneqarnissaa pillugu Inatsisartut inatsisaat nr. xx, xx. xxx 2019-imeersoq. (Pisortat inissiaataanni uumasuuteqarnissamut tunngatillugu maleruagassat allangortinneqarnerat aamma attartortup toqukkut qimagunnerani il.il. attartukkap tiguneqartarnera pillugu)**  
(Ineqarnermut Attaveqatigiinnermullu Naalakkersuisoq)  
(Siullermeerneqarnera)

Inissianik attartortitsisarneq pillugu Inatsisartut peqqussutaata allangortinneqarnissaa Inatsisartut aalajagiiffigisassaattut siunnersuutit UKA 2018 aamma UPA 2019-imeersunit pinngorpoq. Siunnersuutit Demokraatinit akuerineqareermata inatsimmut allanguut una aamma taperserparput. Naatsunguamilli tapersiinerput nassuialaassavara.

Uumasuuteqarnissamut siunnersuut pinngorpoq Demokraatit inatsisartuni ilaasortaaitaasa Randi Vestergaard Evaldsen-ip siunnersuutigisimasaa tunggavingalugu. Siunnersuummut tapersiinerput tunggaveqarpoq Demokraatini tunngaviumik isumaqaratta inuiaqatigiinni aqutsineq annertuvallaartoq allaffissornerullu ingerlatsinerani inerteqquteqarpallaarluni. Inuttut kiffaangissuseqarneq akisussaassuseqarnerlu annertusarniarlugu siuarsaajuarput. Isumaqaangilagummi inuiaqatigiit inerteqqutinik tunggaveqarlutik ingerlanneqassasut. Tamatumuuna nuannaarutingaarput siunnersuutip malittarisassat allangortissammagit, pisortat inissiaataanni qimmeqarnissaq qitsuuteqarnissarlu inerteqqutaajunnaartillugu.

Peter Olsenip aalajagiiffigisassatut siunnersuutaa tunggavingalugu Attartortup toqukkut qimagunnerani attartukkap tiguneqartarnera pillugu siunnersuut pinngorpoq. Aallaqqaataaniilli siunnersuut Demokraatinit taperserparpoq, imatullu oqaaseqarfigineqarsimalluni:

”Inuppalaangilaq ilaqutariit aliasuttut ineqarnermut tunngasunik aamma ernummatissaannik tuniorarnissaat.”

Tapersiinerput 100 procent-imik attapparput.

Taamatut oqaaseqarluta siunnersuut akuerineqarnissaanut innersuupparput inatsisartullu sanaartornermut, aatsitassanut avatagiisinullu ataatsimiititaliaanut suliarineqarnissaanut ingerlateqqillugu.